



Save the Children

PROJEKAT: "ŠKOLE KAO ZELENE ZONE – POVEĆANJE SPREMNOSTI NA KLIMATSKE PROMJENE U OBRAZOVNOM SEKTORU U BOSNI I HERCEGOVINI"

Projekat pod nazivom „Škole kao zelene zone – povećanje spremnosti na klimatske promjene u obrazovnom sektoru u Bosni i Hercegovini“ je pokrenut u dvije osnovne škole na području Sarajevskog kantona OŠ „Mirsad Prnjavorac“ iz Vogošće i OŠ „Stari Ilijaš“ iz Ilijaša. Projekat je imao za cilj povećanje inkluzije djece kao i razvijanje svijesti o važnosti unapređenja upravljanja otpadom, praćenja zagađenja zraka, kao i suočavanja s negativnim uticajem klimatskih promjena, a realizovan je u partnerstvu sa firmom Ekopak koja je prvi ovlašteni operater upravljanja ambalažom i ambalažnim otpadom u BiH.

OŠ „Mirsad Prnjavorac“ i OŠ „Stari Ilijaš“ su opremljene eko kantama – setovima kanti za odvojeno prikupljanje ambalažnog otpada te uvezane sa lokalnim servisima za odvoz i sortiranje. Učenici iz odabranih škola su se na posebnim radionicama educirali na koji način upravljati ambalažnim otpadom, kako ga razdvajati i upotrebljavati donirane kante. Pored eko kanti, školama su donirani mjerila zagađenosti zraka i prečišćivači za zrak koji će doprinijeti boljoj informisanosti o zagađenju zraka u realnom vremenu te poduzimanju određenih mjera za smanjenje njegovog štetnog uticaja. Učenici ovih škola su također realizovali kreativne mini kampanje zagovaranja i podizanja svijesti o upravljanju otpadom u svojoj školi i u lokalnoj zajednici, kao proces koji izgrađuje njihovu sposobnost da vode i utiču na svijet oko sebe.

PROJEKTOM JE OBUHVATENO:



40 djece je učestvovalo u radionicama o klimatskim promjenama i pravilnom odlaganju otpada



1603 direktnih korisnika školske djece i



184 odraslih (nastavnika, učitelja, pomoćnog osoblja i menadžmenta škola)



50 kanti / kontejnera za odvojeno odlaganje papira i plastike



40 prečišćivača za zrak sa rezervnim filterima



2 mjerila kvalitete zraka čiji su podaci dostupni svim stanovnicima lokalne zajednice online na <https://map.purpleair.com>



1. Lamija (9. razred) „OŠ Mirsad Prnjavorac“, Vogošća

„Moja razrednica me upoznala sa projektom „Škole kao zelene zone“ i bila sam oduševljena što će biti dio njega. Drago mi je što sam se uključila i što mogu puno stvari da naučim o recikliranju, kako treba da postupam sa otpadom, i da se na kraju više angažujem u problemu sa otpadom u našem gradu.“

2. Lejla (8. razred) OŠ „Mirsad Prnjavorac“, Vogošća

„Mislim da je uloga nas učenika da pokrenemo svijest naših vršnjaka o zagađenju okoliša i pogrešnom odlaganju otpada. Mislim da je reciklaža jako važna, da svi pokušamo otpad smanjiti, sortirati ga pravilno itd. Nedavno smo moji drugari iz škole i ja napravili kante za odlaganje otpada, posebno smo odvajali čepove od plastičnih čaša i to me naučilo da postoje različite vrste plastike koje se mogu različito koristiti.“

3. Elma (9. razred) OŠ „Mirsad Prnjavorac“, Vogošća

„U mom kvartu gdje živim nalaze se kontejneri različitih boja za odlaganje različitog otpada tako da sam naučila gdje se koji otpad odlaže, dosta ljudi iz moje okoline tu ubacuje otpad koji se reciklira što mi je mnogo drago zbog toga. Iskreno, mene najviše rastužuju velike deponije po svijetu, ne samo u Bosni i Hercegovini, jer one dosta uništavaju našu planetu. Iskreno se nadam da ćemo mi mladi promijeniti svijet, da ćemo više posvetiti pažnje prirodi. Da ćemo više pričati i razgovarati o okolišu i očuvanju okoliša.“

4. Ahmed (5. razred), OŠ „Mirsad Prnjavorac“ Vogošća

„Mislim da mogu postojati dvije mogućnosti u našoj budućnosti. Ako se ljudi ne poprave i ne počnu više čuvati okoliš i priroda će biti gora i vjerovatno će se povećati temperatura Zemlje i veoma će se povećati razina mora pošto će se topiti led. Ako ljudi počnu se bolje brinuti o okolišu vjerovatno će se Zemlja popraviti i neće biti tako zagađena kao sada.“

5. Iman (5. razred), OŠ „Mirsad Prnjavorac“ Vogošća

„Ako nastavimo ovako bacati otpad kako gdje ko stigne, sigurno će planeta Zemlja u budućnosti izgledati kao jedna velika deponija..“

6. Alen (5. razred), OŠ „Stari Ilijaš“, Ilijaš

„Možemo pomoći našem gradu i našoj školi tako što otpad stavljamo u prave kante i poslije ga recikliramo. Ako ljudi budu reciklirali otpad biće bolje za nas sve.“



7. Irfan (5. razred) OŠ „Stari Ilijaš“, Ilijaš

„Trebaš se bacati otpadci u prave kante određene samo za posebne vrste otpada. Ako imate staklo, da bacite u kantu za staklo, ako imate papir da ga bacite u kantu za papir. Ja će reći svojim prijateljima da mi je stvarno lijepo razgovarati o očuvanju okoliša i da me Save the Children naučio puno toga. Najviše sam naučio da sve što radimo sa otpadom utiče na klimatske promjene. Utiče ne samo na naš grad nego i na cijeli svijet, i da trebamo da pazimo kako bacamo otpad.“

8. Amel (9. razred) OŠ „Stari Ilijaš“, Ilijaš

„Odlučio sam se prijaviti da učestvujem u Save the Children projektu o zaštiti okoliša prvo zato što mislim da mi učenici možemo nešto promijeniti i unaprijediti u našoj školi, ali i u mjestu u kojem živimo. Mislim da će u budućnosti nama biti puno bolje jer ako učimo sada o ekologiji i klimatskim promjenama, uticati ćemo na budućnost i biće nam bolje. Mislim da možemo popraviti stanje u našoj zemlji, a možemo učiti i starije kako mogu promijeniti svoj odnos prema okolini.“

9. Ajša (9. razred) OŠ „Stari Ilijaš“, Ilijaš

„Smatram da mi kao pojedinci ne možemo donijeti neke velike promjene, međutim malim koracima svi zajedno možemo donijeti ogromne promjene, i one neće značiti samo nama nego i budućim generacijama jer mi ovu planetu posuđujemo samo na jedan određeni period, a taj svijet mora ostati i za buduće generacije koje se tek rađaju.“

